

“শ্রী শ্রী রাধামাধব জীউ মন্দির উৎপত্তি বারো
উন্নতির সিজিল”
(১ম খণ্ড)



শ্রী ব্রজগোপাল সিংহ



শ্রীশ্রী রাধামাধব জীউ মন্দিরর উৎপত্তি বারো উন্নতির সিঁজিল

(১ম খণ্ড)



শ্রী ব্রজগোপাল সিংহ

SRI SRI RADHAMADHAB JIU MANDIRAR UTPATTI BARO UNNATIR SIJIL, a collection, Socio-cultural spiritual, historical sources, datas etc., is written by Sri Braja Gopal Sinha, MA BT, LLB Sastri and Published on 9th March, 2007 on the occasion of 127th **SRI SRI RADHAMADHAB KENDRIYA ADHIBESHAN**, Sebapuja Samittee, Chamtilla, Dullabcherra.

১লা সংস্করণ :

ফণ্ডনির খেলতাম :

১১ই মার্চ, ২০০৭

ফংকরানিং : শ্রী বনমালী সিংহ, IAS

কমিশনার (শিক্ষা বিভাগ, ত্রিপুরা)

(সৌজন্যে বারো প্রকাশনায়)

শ্রীশ্রী রাধামাধব জীউ সেবা পূজা সমিতি

সিংলা আঞ্চলিক কমিটি।

মুদ্রণে :

মডার্ন প্রিন্টার্স

মেইন রোড, করিমগঞ্জ

আসাম, ফোন : ২৬১৫০০

মূল্য - ২৫.০০ (পঁচিশ টাকা মাত্র)

উৎসর্গ

“দ্যৌর খয়া পাছি রাধামাধব জীউ সেবা-পূজার
কামাদার বা সেবাইত বারো কর্মকতার নিঙে”

শ্রদ্ধাঞ্জলি

বৈষ্ণবদাসানুদাস ব্রজগোপাল

গিরও

স্বাস্থ্য-চন্দ্র, উত্তি চন্দ্রাচন্দ্র জীও চন্দ্র চন্দ্র

“শ্রীমদ্রামায়ণে চন্দ্রাচন্দ্র চন্দ্র চন্দ্র

গিরও

চন্দ্রাচন্দ্র চন্দ্র চন্দ্র



“লেখকর দ্বি আকচুটি”

রাধাকুণ্ড ধামর শ্রীশ্রী রাধামাধব জীউ মন্দিরগোর উৎপত্তি বারো থাংনাত প্রভুর সেবা-পূজা করানির উন্নতির সিঁজিল কিসাদে কিহান আছে, এহানর ধারাবাহিক বৃত্তান্ত খানি লেংকরতেগা নিয়াম তথ্য যোগাড় করানি নুবারেছু। খমকরা তথ্য যেতা পুলকরেছু, ওতা লেংকরিয়া লমকরানির খামতলে উল্লেখ করেছু। তথ্য সংগ্রহর ভিতরেদে শ্রী শ্রী রাধামাধব জীউ সেবাপূজা পরিচালন সমিতির প্রাক্তন অন্যতম কর্মকর্তা মুখ্য উপদেষ্টা আচার্য উদয় চন্দ্র সিংহ গিরকর লেংকরা শ্রীমন্দিরর ইতিবৃত্ত বারো সিংলা আঞ্চলিক সেবা পূজা সমিতির সভাপতি শ্রীযুক্ত সেনাতাম্ফা সিংহ গিরকর করপেক বা পুলকরা নথিপত্র পাকরিয়া খানি আহান চিন্তার পরিবর্তন অইল নিঙে গিরকগাছিরে মোর আন্তরিক কৃতজ্ঞতা জানাউরি। আরাক উল্লেখযোগ্য দিক আহান অইলতায়-১৯৮৪ ইংরেজীর অক্টোবর মাহাত মোর জন্ম ধাত্রী ইমা হেমলতা দেবীরেলো বৃন্দাবনধাম তীর্থ পরিক্রমাত গিয়া রাধাকুণ্ডধামর শ্রীশ্রী রাধামাধব প্রভুর মন্দিরে ৭ দিন আছিলুগা। ওপেইত শ্রীমন্দিরর পরিবেশ অমাটিক উন্নতি অছিল বুলিয়া নিঙ নাছিল। ও সময়কার সেবাইত বা কামাদার শ্রদ্ধেয় মদন বাবা সিংহ (নরসিংপুর) গিরকর লগে অনেক আলোচনা অইল; খানি আহান হারপেইলু যে রীতিমত চাঁদা ধামে না দিয়া পেঠেইতারা।

যাই হোক, উতার বহু পরে সেবা-পূজা কর্ম-কর্তা গিরিগিথানীর হংনায় আগেকার উতান্ত আরাক খানি আহান উন্নতি অইল। ওবাকাও পুরি মোরতা মনে মনে শ্রীশ্রী রাধামাধবজীউ মন্দিরগোর উৎপত্তি বারো উন্নতির সিঁজিল কিসাদে আগ বাড়েছে, উহানর য্যারী কিতা লেরিক শৌ-আহানর আকারে ইকরানির ইচ্ছা-জাগেছিল; যদিযৌ বিভিন্ন অসুবিধার ভিতরেদে লেরিকশৌ এহান লেংকরিয়া ফংকরতে খানি ডিলঅইল, ওহানরকা দুঃখিত।

আরাকৌ উল্লেখযোগ্য য্যারী আহান অইলতায় — ২০০৩ ইংরেজীত

আগরতলারমা উত্তর পূর্বাঞ্চলর ঐতিহাসিক সম্মেলনে আজীবন সদস্যগো হিসাবে ৩ দিনকার অধিবেশনে যোগদান করেছিলুগা। ঐ সম্মেলনে আমার জাতর লকেই বা গোষ্ঠী বিভাগ, গোত্র ইত্যাদি সম্পর্কে ইংরেজীলো প্রবন্ধ আহান ইকরিয়া উপস্থাপন করেছিলু, যেহান ঐ “নেহা” (NEIHA) বুলতারা ঐতিহাসিক সংস্থা উহানে স্বীকৃতি দেছিল। ঐ সময় মোর বিশ্ববিদ্যালয় সহপাটি বন্ধু আগরতলার I.A.S. কমিশনার শ্রী বনমালী সিংহ গিরকর বাংলাগোত তিনদিন আছিলু গিরকে শ্রীশ্রী রাধা মাধবজীউ মন্দির সম্পর্কে মোর লগে অনেক আলোচনা করল। এমন কি গিরকে মাতল যে আমি হাবিহান থাইতে ধামর প্রভুর মন্দিরগো সম্পর্কে পাংলাক করিয়া খানি আহান আগ না বাড়েইলে জাতর পরিচয় বা অস্তিত্ব টিকিয়া থানা চিলছে। প্রভুর মন্দিরগো সমাজর একমাত্র ধর্মীয় প্রতিষ্ঠান হান; এহান উন্নতির সিঁজিল করিয়া ভালকরানি থক। ঐহানাত মি কুপকরে খালকরিয়া চুমছে বুললু। ঐবাকায় মোর চিন্তা ধারা আরাকৌ আগ বাড়িল যে শ্রী শ্রী রাধা মাধব প্রভুর মন্দিরর বৃন্তান্ত বারো উন্নতি সম্পর্কে লেরিক শৌ আহান নিকালানি। তা থকয়া শ্রী রাধা মাধব মন্দির প্রতিষ্ঠাতা ব্রহ্মর্ষি পুত্তরীকান্ধ শর্মা এইগা গিরকরাংতো চিনকরে থাংনায় থাংনায় যেতা সেবাইত বারো কর্মকর্তা দ্যৌর খয়া পেইলাগা, ঔতার রাতুল চরণে ভক্তি হমা কাতকরিয়া শ্রীশ্রী রাধা মাধবজীউ প্রভুর মন্দিরর ইতিহাস বারো উন্নতির সিঁজিল বুলিয়া লেরিক শৌ এহান বামুন ক্ষেত্রী বৈষ্ণব দশগিরিগিখানী ভক্তর মুণ্ডে প্রথম খণ্ড হিসাবে ১২৭ তম সাধারণ অধিবেশনে ফংকরানি অইল। কারণ শ্রী মন্দিরর উন্নতি ক্রমাঘয়ে বাড়লে ভক্তমানাইর কৃপালো আরাকৌ থাংনাত প্রকাশ করানি অইতয়। তা থকয়া ১ম খণ্ড বুলিয়া ফণ্ডর লেরিক এহান পাকরতে কোন লাল চুম বা কিতি কুরুম অইলে লেখকরে দয়া করিয়া ইকরিয়া জানেয়া পথ চুমকরে দেনারকা ভক্তমানাই, পাঠক - পাঠিকারাং সাচারাং ভক্তি হমা কাতকরিয়া লমকরুরি। ইতি —

দোল পূর্ণিমা তিথি

১৪১৩বাংলা

বৈষ্ণব দাসানুদাস ব্রজগোপাল ।

শুভেচ্ছাবার্তা

শ্রী ধাম রাধা কুণ্ডস্থ

শ্রীশ্রী রাধামাধব প্রভুর সেবা-পূজার সুযোগ কি সাদে অয়া আমার এ নিখিল বিষুগপ্রিয়া মণিপূরী বৈষ্ণব সমাজে পেয়া পুন্যার্জন করে পারেজিয়ারগা, এহানর ঐতিহাসিক সঠিক তথ্যাদি ডাঙরীয়া শ্রীযুক্ত ব্রজগোপাল সিংহ গিরকে সংগ্রহ করিয়া ধারাবাহিক ভাবে লেংকরেছে। এহান অকরাও খামতল পেয়া মনহান দিয়া পাকরিয়া পুন্নিংয়ৌপা হারউপা থাকাং জানেয়া মত ফঙ করুরী যে, মি এ অধমর অনেক জানা-অজানা তথ্য হারপেয়া গিরকরে অশেষ ধন্যবাদ বারো কৃতজ্ঞতা জানেয়া, স্বয়ং প্রভুর শ্রীচরণে গিরকর মঙ্গল প্রার্থনা করুরী।

গিরকর এ হনার কারণে মোর জীবনর ডাঙর খৌরাঙ আহান আছিল ঔহান মিটাদিলো। ঠিক এসাদে সমাজর হাবিরতাউ নিশ্চয়ই মিটতই বুলিয়া নিঙকরুরী। লমক হরে কৃষ্ণ—

তারিখ

২৭/৮/২০০৬ইং

পাঁচডালী, শিংলা

হেহচাত

শ্রী সেনাতান্মফা সিংহ

সভাপতি

শ্রীশ্রী রাধামাধব জীউ সেবা পূজা

শিংলা আঞ্চলিক সমিতি



B. Sinha, IAS

COMMISSIONER & SECRETARY

Education (School) Department

GOVERNMENT OF TRIPURA

Agartala - 799001

Ph : 2324127 (O), 2353737 (R)

Fax : 03812324127

E-mail : Sinhabanamail@yahoo.com



শুভেচ্ছাবার্তা

দুর্মভছড়া উচ্চতর মাধ্যমিক বিদ্যালয়ের মাননীয় অধ্যক্ষ শ্রীযুক্ত ব্রজ গোপাল সিংহ গিরকর লেংকরা “শ্রী শ্রী রাধা মাধব জীউ মন্দিরর উৎপত্তি বারো উন্নতির সিঁহিল” লেবিক এহানে বিষ্ণুপ্রিয়া মণিপুরী সমাজর গিরিগিথানী, প্রভুর মানায়, বামুন-ক্ষেত্রী, বৈষ্ণব-হাবিরে নুয়া চিন্তাধারাব পথ আগে ইল গরে দিত্য বুলিয়া সি নিংকরুরি সমাজর একমাত্র ধর্মীয় সংস্থা “রাধামাধব জীউ সেবা পূজা পরিচালনা সমিতির” লগে যুক্ত গিরিগিথানীরেউ গিরকর লেংকরা লেবিক এহানে নুয়া চিন্তা ধাবার খোরাক দেনাত পাংলাক করতয় বুলিয়া নিংকরুরি। লেবিক এহান ঐতিহাসিক তথ্য পূর্ণ বাবো জাতীয় ইতিহাসর পথগদে কাকেই কারানির নিদর্শন দেব।

যেতাউ-অক, প্রক্বেয় অধ্যক্ষ গিরকর লেংকরা লেবিক এহান নুয়া উঠিয়া আইতারা প্রজন্মরেউ পাংকাল দেক নিঙে সমাজর হাবি থাকব গিরিগিথানী, ইমা ইন্দল, বুদ্ধন কনাক, ভক্ত - মানায় গিরিগিথানীর প্রতি মোর ভক্তি শ্রদ্ধা জানেয়া লেবিক হানর শ্রীবৃদ্ধি অক ভাব এহানলো এপেইত লমকরুরি।

জয় শ্রীশ্রী রাধামাধব জীউ কী জয়।

ইতি—

বনমালী সিংহ—

(বনমালী সিংহ)



—ঃ সূচীপত্র বা কোন পাতাত কিহান আছে :—

ক্রমিক নং	বিষয়	পাতা নং
(১)	শ্রীশ্রী রাধামাধব জীউ মন্দিরগোর ঐতিহাসিক সূচনা	১
(২)	শ্রী রাধামাধব জীউ মন্দিরে ব্রহ্মর্ষি পুন্ডরীকাক্ষ শর্মার ভূমিকা	২
(৩)	প্রতিষ্ঠাতা সেবাইত পুন্ডরীকাক্ষ শর্মার উত্তরাধিকারীর কার্যকলাপ	৫
(৪)	শ্রীশ্রী রাধামাধব জীউ সেবাপূজা সমিতি হংকরানি বারো থাংনাকার পদক্ষেপ	৯
(৫)	শ্রীশ্রী রাধামাধব জীউ স্বাধীন সংস্থা হিসাবে রেজিস্ট্রেশন বারো উন্নতির সিঁজিল	১২
(৬)	শ্রীশ্রী রাধামাধব জীউ মন্দিরর সেবাইত বা কামাদারর ধারাবাহিক নাং বারো ঠিকানা	১৩
(৭)	শ্রীশ্রী রাধামাধব জীউ সেবা পূজা সমিতির সভাপতি বারো সম্পাদকর ধারাবাহিক নাংবারো ঠিকানা	১৫
(৮)	শ্রীশ্রী রাধামাধব জীউ মন্দিরর ২০০০ সনর থাংনাকার উন্নতিমূলক কামকাজ	১৬
(৯)	উপসংহার বা খামতলহান	১৯



“শ্রীশ্রী রাধা মাধব জীউ মন্দিরর উৎপত্তি বারো উন্নতির সিজিল”

(১) ঐতিহাসিক সূচনা :- বঙ্গদেশে এয়োদশ শতাব্দীর প্রথমার্ধে সেন বংশর রাজা লক্ষণ সেনর হাকতাকে তুর্কী সেনাপতি মহম্মদ ইকতিয়া'র উদ্ভিদ দিন বর্খাতয়ার গিরকে গৌড় রাজধানী নদীয়া জিলা আক্রমণ বারো দখল কবানির সময়ত ঐ সময়কার সভাসদ কবি জয়দেব গোস্বামী গিরক কৃষ্ণপ্রভুভক্ত শ্রেষ্ঠ বৈষ্ণব কবি আপো আছিল। ঐ কবি জয়দেব গোস্বামী গিরক শ্রীশ্রী জগন্নাথ মহাপ্রভুর কৃপায় শ্রীশ্রী গোবিন্দজীউর সাক্ষাৎ দরশন পাছিল বুলিয়া প্রভুসভার একনিষ্ঠ সেবায়ী'গো আছিল। ঐ কবি গিরক তুর্কী সেনাপতি তথা অন্যান্য মুসলমানব অত্যাচারে হিন্দুধর্মর গ্রানি বারো প্রভুর সেবাপূজার কাম-কাজে খেনেই বধা অই তযহান হাবলিয়া গোবিন্দ জীউ প্রভুর মুণ্ডিগো লেমপালহানাং দিয়া সহধর্মীনি সতী পদ্মাবতী'রেলো বৃন্দবনধামে যাত্রা করল। প্রসঙ্গতঃ উল্লেখ কবানি থক যে তুর্কী সেনাপতি কবি জয়দেব গোস্বামী গিরকরে বন্দী করিয়া আননির যাত্ধাং দেনায় স্বয়ং গোবিন্দজীউর বিগ্রহগো বৃন্দ দর্শনে লেয়া গোস্বামী গিরক ধর্মরক্ষার্থে রাধাজীউ ধামে যাত্রা করল। ধামে আয়া লগে লগে প্রভু জয়দেব গোস্বামী গিরক তার পরিষদ বর্গ হাবিরেলো ধামর পরিক্রমা লমকরিয়া রাধাকৃষ্ণ বারো শ্যামকৃষ্ণ শ্রীধামে আয়া ফউঅইলগা, যেহান রাধা-কৃষ্ণর নিত্য বিলাস ভূমির কামহান। ঐ কামউহানাং বিচারেয়া শ্যামকৃষ্ণ বারো কিশাধাকৃষ্ণগোর হাদিগৎ যে কামহান আছিল, ঐহান ঐ'তাবন সংকরিয়া উপযুক্ত মন্দিবগো হংকরিয়া গোবিন্দপ্রভুর সেবা পূজা কর'নি অকবল।

প্রভু জয়দেব গোস্বামী গিরকর শ্রীশ্রী রাধামাধব জীউ প্রভুর সেবাপূজা ব'বো ভাব ভক্তির একনিষ্ঠাতাহান দেখিয়া অনেক সাধু সন্ন্যাসী ব'বো ব্রহ্মবাসী ঐ কামে শিষ্য হিসাবে দীক্ষিত অইলা। এসাদে করে প্রভুর সেবা পূজার কামহান ভালনি অকরল। এসাদে করে অনেক দিন লালয়া যান'র খাংনাত জয়দেব গোস্বামী গিরকর সহধর্মীনি সতী পদ্মাবতী সিধানক চির বিদায় নিয়া অমর ধামে গেলাগা। ঐতার কতমাহার খাংনাত জয়দেব গোস্বামী গিরকর ব'হুগো অস্তিম দশাত ফউঅনির লগে লগে তার উপযুক্ত শিষ্য আপোরাং সেবাপূজার ভারহান সমঝাদিয়া ইমা

গঙ্গার আবহুত অঙ্কুর ঘটে দৌর সংক্রান্ত দিনে ব্রজধামেও চির-বিদায় নিলগা। কিন্তু আশ্চর্য্য হান জনশ্রুতি বা খমকরা করপেকেও জয়দেব গোস্বামী গিরকে বিদায় নেনার আগে উপযুক্ত শিষ্য উগরাং কানমস্ত্রহান দিয়া মাতেছিল যেরাধামাধব প্রভুর সেবাপূজার ফাম এহান অদূর ভবিষ্যতে বৈষ্ণব বামুন ক্ষেত্রী কোন লেইরাপা সমাজ আহানে আয়া তোরাং ভিক্ষা মাগলে এরে ফাম এহান বিনামূল্যে দান করিস বারো কারৌ না বাগানিরকা এরে কান মস্ত্রএহান দেছিল বারো ঐ শিষ্য উগরে তা দৌর খয়া পানার আগে পরবর্তী শিষ্য উগরাং এহান কানমস্ত্র হিসাবে দেনরেকা ইঙ্গিত দেছিল। এসাদে করে কানমস্ত্র এহান বছর বছর বা যুগ-যুগ ধরিয়া চলিয়া আহের। পুরবর্তীতে পুণ্ডরীকাক্ষ এইগা গিরকর ভাগ্যে এহান জুটিল বুলিয়া জাতীয় ইতিহাসহান। তা থাকয়া প্রভুগোস্বামী গিরকর স্মৃতি রক্ষারকা বুলিয়া রাধামাধব প্রভুর শ্রীমন্দিরগোর কাদাত আরাক হরকাং স্মৃতি সৌধ আগো হংকরানি অইল, যোগো এবুঝ পেয়া সংরক্ষিক অয়া আছে। ঐ রাধামাধবজীউ প্রভুর মন্দির এলাকউগোর ফাম উহানেই আমার বিঃ মণিপুরী সমাজর শ্রীশ্রী রাধামাধবজীউ প্রভুর মন্দিরগোর ফামহান বুলিয়া খাংনাত লিংখাত করা য়ারীও হারপেয়ার। এরে প্রভুর ফাম এহান জাত তথা বিঃ মণিপুরি সমাজর ইতিহাসে স্বর্ণাক্ষরে লেখা থাইতয়। এহান আমার সমাজর ঐতিহাসিক তথা ধর্মীয় মনোভাব আদান-প্রদান করিয়া আশ্রয় নেনার ফামহান, জাতীয় পয়লা ঐতিহাসিক ধর্মশালাগো বুলিয়া প্রমাণ পেয়ার।

(২) ধামর মন্দির প্রতিষ্ঠাতাশ্রীপুণ্ডরীকাক্ষ এইগার ভূমিকা :- পূজ্যপাদ প্রভুজয়দেব গোস্বামী গিরক এরে ভবমালেমেও চির-বিদায় নেনার পরবর্তী ঘটনা বা য়ারী খানি পরিষ্কার নার। তেবউ জনশ্রুতি বা কিংবদন্তী, বারো খমকরা করপেকেও গঙ্গার উল্লোখিত তথ্যমতে পেয়ারতাই যে জয়দেব গোস্বামী গিরকে পরবর্তী শিষ্য সামন্ত বা মহন্ত গোসাই দায়িত্ব সমঝাছে ঐগরাং মাতিয়া গেছেগা যে কোন লেইরাপা সমাজর বামুন ক্ষেত্রী বৈষ্ণব গিরিগিথানায়ে সমাজরকা মাগলে ফাম এহান বিনামূল্যে দান করানির কানমস্ত্র এহান ক্রমাধয়ে শিষ্য আগরাংতো আরাক আগরাং সিলায় এরে ৪০০ বছর এহান চলিয়া আহেছে। পরবর্তীতে ১৭শ শঃ প্রতাপগড় লয়ার খালিবাড়ীর শ্রীমৎপুণ্ডরা কাক্ষ শর্মা এইগা গিরক তার বজ্রমান করে কতগরেলো বৃন্দাবন ধাম পরিক্রমাত গিয়া তীর্থ করে দৌর মন্দির এতা বুলে বুলে হারপেইল যে এরে লেইরাপা বিঃ মণিপুরী এতারকা বৃন্দাবন ধামে খানা-পিনা-

ধানার আশ্রয় ফাম আহান ক ধর্মশালা আগা নেই। যেতা আর উতা অন্য সমাজক
মানুষতা। এমন কিসেই মণিপুরী সম্প্রদায়র মানুষতা লক্ষ্যবন হাম্মে অল্পক ধর্মশালা
বা সেবাকৃত আছে, যেনেইত পুণ্ডরীকাক এইগা গিরক অকমলাবনে তক্ষা বান্দনাগা
বুলিয়া ধানবকা মৈত্রে সম্প্রদায়র মানুষে মাত্রেই। সাতা উতানে কনিছা মলিয়া
ধান নাহেই। এতগা গিরকে ঔপেইত মাত্রেইত যে ধর্মশালা ধর্মশালারতা কোন
ফাম নেই না কিতা বুলিয়া এইগা গিরক প্রভুরে তাহে তাহে কাচান অকরল। মাতল
সে সেবাপুত্ররমা তাহে পবিচয় না লাগের। এবোদে বান্দা জনর যজমান এতাহে
অকথক যবে দিয়া পেয়া দিল। এ সাদে এইগা গিরক সম্বন্ধেগা রামাকুণ্ডহাম্মে
অয়া ফউঅইলা তা। নিছামে শ্রী রামাকুণ্ডহাম্মে পলিচাম্পান কাটা বনব হাতিত হানি
ফাম আহান পেয়া এতানাত প্রমাণ কতা পড়া অকরল। তাহা হাম্মে এতগা হাম্মে
মগ্ন অইল। কতদিন খানা খিনা কাম দিয়া লান কল্যাণ না দা নাহে। ঔপনহান পলি
করে দেহের যে পবন কল্যাণায় চিবনে ইস্তিত দেব যে এবো ফাম এতানতি লেইলাপ
বি; মণিপুরী সমাজর তীর্থযাত্রীর উপযুক্ত আশ্রয় ফামহান। হৌপন হান হজাক অয়া
টেইপাঙেদে চবিনাবাদে চেয়া টটল প্রভুরে আর না দেহব। নিছামে এইগা গিরক
টল টল কামে কামে মুচ্ছাগত অয়া পড়েছে। ঔ সময় উতানাত—হাংকার
রামামধবঈউ মন্দিরর স্মৃতিসৌধগো চংকবেছিল প্রভুপাদ গোস্বামী গিরক উপ
বেলিহান রংবা বংখ অয়া হম্মেইতেগা উগ প্রভুর শ্রীমন্দিবে মঙ্গল আরতি কবানিত
বুলিয়া অইতে এরে মুচ্ছাগত অয়া পড়িয়া আর বমুন এগবে দেহের। নিছামে
গোস্বামী গিরক উপ তাহে হৌপনেদেপ্রভু জয়দেব গোস্বামী গিরকে হৌদিন দিনে
ভূমিদান কবানিবকা মাত্রেইত শুক্ৰ উগ এবো এগো অইল পাউবি বুলিয়া এগোয়
ফকৃত ভক্তগো নিঙে পূজাবী গিরকে শর্মা এইগা গিরকে হমা দিয়া মাত্রে —
“প্রভুপাদ জয়দেব গোস্বামী গিরকর স্মৃতিসৌধগোব কাদাত আছে তিন পোয়া পবিমান
মাটি এহান তোমার সমাজবাং শ্রী শ্রী রামামধব ঈউ শ্রমদির সেবা পুত্ররকা দান
কবল। ঔপেইত মুচ্ছাগত শ্রীপুণ্ডরীকাক এইগা গিরক জ্ঞানহান ফিরিয়া মাত্রে,
মোবাংতে তিনপোয়া মাটি জনার মত কোন তাংখা লিকল বা মূল্য সেনার কমতা
হান নেই। ঔপেইত পূজাবী গিরকে মাত্রে “দানসূত্রে কোন মূল্য না লাগের, তবে
পূজাপাদ যত জয়দেব গোস্বামী গিরকরকা বুলিয়া যে স্মৃতিসৌধগো আছে, ঔগত
ওকদেবর নিঙে নিক্কাকর বিয়ান-সেজা ফুল তুলসী, ধূপধূনা কিতা বারো শ্রীশ্রী

রাধা মাধব জীউর ভোগপ্রসাদ কাতকবে দেনা অক। উহান অইলৈ পূজাপাদ গোস্বামী ঠাকুর গিরকর আশা-ভরসা পূর্ণ অইতয়"। এহানর উত্তরে শ্রীমৎ পুণ্ডরীকানন্দ শর্মা এইগা গিরকে পাতাঙাই বুলিয়া য়াকরানির ফলে পূজাবী গিরকে হারৌ অয়া কোন মূল্য বা তাংখা লিকল না লয়া তিন পোয়া মাটি সহ শ্রীশ্রী রাধামাধব জীউর বিগ্রহ চিরতরে দান করিয়া গেলগা।

(খ) প্রতিষ্ঠাতা সেবাইত পুণ্ডরীকানন্দ শর্মা গিরকর সমাজে অবদান :- শ্রীশ্রী রাধা মাধব জীউ মন্দির প্রতিষ্ঠাতা সেবাইত শ্রী পুণ্ডরীকানন্দ শর্মা গিরকে দান করা তিন পোয়া পরিমাণ মাটির মা-প্রভুর সেবাপূজা করানির দায়িত্বহান গ্রহণ করল। তাংনাত এইগা গিরকে ঘরে আলথক আয়া বিঃ মণিপুরী সমাজেও ধন সাম্পাল দিয়া পেয়েয়া চাংখল করে দেনারকা তার শিষ্য যজ্ঞমান তথা আত্মীয় বর্গ হারিরে গাঙে গাঙে মর্তিয়া প্রচার করল। এইগা গিরকর পৌ পানার লগে লগে প্রতাপগড় লয়ার মুণ্ডমালাগোরমা ভাঙর সভা আহান করিয়া সিদ্ধান্ত নিয়া হিঙ্গালা কাছাড়, ত্রিপুরা, ভানুঘাট, হাবি ফামেও নিয়মপারা ধন সাম্পাল দান করলা। ঐ ধন সাম্পাল উতালো এইগা গিরকে রাধাকৃন্ত শ্রী শ্রী রাধামাধব প্রভুর মন্দির বারো মালঠৈপ কিতা হাবির সহযোগে, নিত্য সেবা পূজাব মন্দির শ্রীবৃদ্ধি ভিঞ্চালক চাদালো হংকরে দিল। এসাদে করে শ্রীমৎ পুণ্ডরীকানন্দ শর্মা এগা গিরকে শুভ দোল পূর্ণিমা তিথিত ১২৭৩ বাংলা (১৮৬৬ইং) শ্রীশ্রী রাধামাধব জীউ প্রভুর মন্দির বারো মালঠৈপ সাংকা করল।

তাই এরে ১২৭৩ বঙ্গাব্দর (১৮৬৬ইং) শুভ দোল পূর্ণিমা তিথি এহান বিঃ মণিপুরী সমাজর ঐতিহাসিক চির স্মরণীয় দিনহান। এরে শুভ পূণ্য লগ্নে বিঃ মিঃ সমাজর পক্ষও শ্রীশ্রী রাধামাধব জীউ প্রভুর মন্দির লিংখাত করেছি দিনহান। এরে শুভ দিন এহানর তাৎপর্যর আরাক দিক আহান অইলতায় শ্রী শ্রী রাধামাধব জীউ মন্দির প্রতিষ্ঠাতা সেবাইত শ্রীমৎ পুণ্ডরীকানন্দ শর্মা এইগা গিরকরতাউ জন্মতিথি হান। বারো দৌর খয়া পাছেতাউ এরে দিন এহানাং। তা থকয়া, এরে শুভ দোল পূর্ণিমা তিথির খেলতামেও অকরিয়া পঞ্চম দোল অর্থাৎ দোল পূর্ণিমার পাচ দিনকার দিন উহানাত শ্রীশ্রী রাধামাধব জীউর মন্দির প্রতিষ্ঠা দিবস বারো কেন্দ্রীয় কমিটির পক্ষও বার্ষিক অধিবেশন হানউ ঠৌরাং করানির সিদ্ধান্ত নেছিগা। তা থকয়া এরে শুভ দিনর খেলতাম এহানবে জাত তথা সমাজর ঐতিহ্যর ঐতিহাসিক দিনহান বারো

প্রতিষ্ঠাতা সেবাইত পুণ্ডরীকাক্ষ এই গার নিতে সেবাপূজা কবানরকা একাত্ত ভাঙে নিষ্ঠা সহকারে চেষ্ঠা করানি থক।

(৩) প্রতিষ্ঠাতা সেবাইত শ্রীমৎ পুণ্ডরীকাক্ষ শর্মার উত্তরাধিকারের কামকাজ :

(ক) ১২৮২ বঙ্গাব্দে শ্রীমৎ পুণ্ডরীকাক্ষ শর্মা গিরকর গার্বগো অচলাবস্থা বহা সেবাপূজার কামে নিয়ম ইনপাশন ১২৮৩ গার্বগো কামকাজ প্রতাপসত্তা নতুন ১২৮৩ সহপাঠী পণ্ডিত গোবিন্দ সিংহ (জ্যোতালপা পণ্ডিত) এর বেয়ক সাওক ভবাপন্ন রামদাস সিংহ গিরকরে দিয়াপেচাদেনাব থাংনাত শ্রীশ্রী রাধা মাধব জীউ মন্দিরে তানে সেবাইত নিযুক্ত করল বারো লাগে সাধন ভজন রাতন ও হর্পা শিক্ষা নিল। থাংনাত শুভ দোল - পূর্ণিমা তিথিঃ শ্রীমৎ পুণ্ডরীকাক্ষ এইগা গিরক নিমন্ত্রণ লালয় এর ভব মালমেও গোলবন্দিত্তন পাদম্পাশে ১৫ বনায় নিলগ। ৩৩ এর থাংনাত পববর্তী সেবাইত রামদাস সিংহ গিরকউ দো ব খয়া পেহনগ। ৩৩ এর থাংনাত সেবাইত গুণমণি সিংহ গিরকর গার্বগো অচলা বস্থা বারো দো ব খয়া পানার পরে সেবাইত না পেয়া সামাগিকভাবে গোস্বামী পরিবারেও আগো সেবাইত নিযুক্ত করানি আছিল।

(খ) রাধামাধবজীউ মন্দিরে শ্রীশ্রী ভুবনেশ্বর সাধুঠাকুর আর্ভবাব বারো কামকাজ উন্নতির চেষ্ঠা :- প্রায় ২২ বছর সময়রমা শ্রীশ্রী ভুবনেশ্বর সাধুঠাকুর শ্রীবন্দাবন ধাম পরিক্রমা কালে শ্রীল কৃষ্ণ দাস বৈরাগা ঠাকুর গিরকরাং দাঁকিত অনার থাংনাত রাধামাধব প্রভুর শ্রীমন্দিরে হানি হানিত দর্শন করোছিল বারো প্রভুর সেবাপূজার কাম কাজ করিয়া গেছিলগ। নবদ্বীপ ধামর সেবাইতগো হিসাবে শ্রীশ্রী সাধুবাবা ভুবনেশ্বর ঠাকুর মেরাক মেরাকে রাধাকুণ্ডরমা শ্রীশ্রী রাধামাধব প্রভুর মন্দিরে গিয়া সেবাইত গিরকরে সেবাপূজা করানির অনেক সংপরামর্শ দিয়া প্রভুর শ্রীমন্দিরগোর কিসাদে উন্নতি অর, ঔহানার দিকে দৃষ্টিভঙ্গী দিল। এমন কি সমাজর ঔসময়কার এ, সি, এস অফিসার তনুবাবু সিংহ গিরকরে প্রভুর শ্রীমন্দিরর উন্নতিরকা যথাসাধ্য চেষ্ঠা করানির পবামর্শ দেছিল। সাধুবাবার এরে মধুরবানী সমাজর হানুরাং চিরস্মরণীয়। এসাদে করে রাধাকুণ্ডরমা প্রভুর উন্নতিমূলক কামকাজে তীর্থযাত্রী দর্শনভিলাষী গিরগি থানীয়ে যথাসাধ্য দান করিয়া শ্রীশ্রী রাধামাধবজীউ মন্দিরগোর আরাকৌ খানি পরিবর্তন অইল।

(গ) তনুবাবু সিংহ গিরকর সেবাপূজার উন্নতির চেষ্ঠা বারো বিকুপ্রিয়া মৈতের

[illegible]

যেতাই অক-খাংনাত ১৯৩১ ইংরেজীৰমা ভারত সরকারৰ লোকগণনা বাৰো
সিমলা কমিশনে মণিপুৰী সম্প্ৰদায়ৰে উপজাতি বা ট্ৰাইবেল নাঙে চিহ্নিত কৰানিৰ
ফলে ১৯৩২ ইংবেৰ্জীৰ পয়লাবেমে বিখ্যাত ঐতিহাসিক শ্ৰেয়েষ মহেন্দ্ৰ কুমাৰ সিংহ,
বি, এ, বি, টি সহকাৰী প্রধান শিক্ষক, কৰিমগঞ্জ সরকারী হাইস্কুল বাৰো শ্ৰীনন্দকিশোর
সিংহ, শাস্ত্ৰন বিধায়ক, শিলচৰ, গিরক বিয়োগিব নেতৃত্বে সুরমা ভেলী মণিপুৰী
এসোসিয়েশন নাঙে জাতীয় সংস্থা আগো গঠন কৰানি অইল। ঐ সংস্থাৰ মুখ্য
উদ্দেশ্যহান বিকল্পপ্ৰিয়া বাৰো মৈতৈ ঘি়ো গোষ্ঠীৰে এক কৰিয়া সমাজৰ উন্নতিমূলক
কাম কৰানিৰ নিভে "মণিপুৰী" "মেখলী" ইত্যাদি বিঃ মণিপুৰী ঠাৱলো পত্ৰিকা

নিকালনি অইল। কিন্তু দ্বিযো গোষ্ঠীৰ মিলনৰ কোন সূত্রপাত নাহিল। ১৯০১ চনত বিকুৰ্ণপ্রিয়া গোষ্ঠীও সম্পূর্ণভাবে তড়াল আনি অকবল। এহানৰ ফলে বিকুৰ্ণপ্রিয়া-মৈতৈ গোষ্ঠী বিভাজনৰ সূত্রপাত অৱাকৌ জবৰ অনা অকবল।

এসাদে অবস্থার পরিধৌকিতে দ্বিযো সম্প্রদায়ৰ ভিতৰে অনৈক্যৰ মনোভাব জবৰ অইল। আৱাক আকবেদে ১৯০১ ইংরেজীত শেষভাগে বৃটিশ ভারত সরকার লোকগণার ভিত্তিতে সিমলা কমিশনে মণিপুরী সম্প্রদায়ৰে উপজাত বা ট্ৰাইবেল নাঙে সনাক্ত কবানিৰ ফলে ১৯০২ ইংবেজীৰ পয়লাবেদে এ, সি, এস অফিসার শ্ৰদ্ধেয় তনুবাৰ সিংহ বাৰো মহেন্দ্ৰকুমার সিংহ বি, এ, বি, টি গিৰকগাছিৰ সৌজন্যে আগরতলাৰ রাধানগর শ্রীমতপে বি: মণিপুরী হাবিহানে তিলয়া পয়লা বিৰাট সভা আহান কৰিয়া বৃটিশ সবকারৰং বি: মণিপুরী সম্প্রদায় পাৰ্বত্য উপজাতি নাগয়, "কত্ৰিয় কহিন্দু" বুলিয়া সংরক্ষিত নথিপত্ৰলো জোৱদাৰ দাবী জানেইলা। ফলে ১৯০২ ইংরেজীৰ বৃটিশ সরকার মি: জে: বি: ব্রাকার সাহেবৰ সৌজন্যে বাধ্য অয়া মণিপুরী সম্প্রদায় দ্বিযো গোষ্ঠীৰে কহিন্দু বুলিয়া ঘোষণা কবল; যদিযৌ আমাৰ সমাজৰ ঠা সময়ৰ বিশিষ্ট শিক্ষিত গণজ্ঞান্য গাঁৱাগথনীয়ে অগ্রণী ভূমিকা নোছিলগা।

ব্রাহ্মইত ঐতিহাসিক দৃষ্টিভঙ্গীলো আহান উল্লেখ কৰানি থক যে পাৰ্বত্য উপজাতি বুলিয়া বৃটিশ সবকারে উল্লেখ কৰেছে; উহান প্রতিবাদ কৰতেগা মৈতৈ বেইবুনিয়ে কিন্তু তানুৰ মৈতৈ লক্ষণো বাদ দেনাং হংনা কৰতেগা ১৯০২ ইংরেজীৰমা মৈতৈ বাৰো বিকুৰ্ণপ্রিয়া উভয় সম্প্রদায়ৰমা তিলনিৰ বা মিলনৰ পথগো দূৰেইৰ অইল। এসাদে কৰে বিকুৰ্ণপ্রিয়া মণিপুরী ঐতিহাসিক তথ্যৰ গঞ্জে নিৰ্ভৰ কৰিয়া বৃটিশ সরকার মণিপুরী সম্প্রদায়ৰে (বিকুৰ্ণপ্রিয়া বাৰো মৈতৈ) পাৰ্বত্য উপজাত হা আলাদ কৰিয়া কহিন্দু বুলিয়া ঘোষণা কবল। উভাৰ থংনাত স্বাধীনতাব পিছনে ১৯৫৬ ইংরেজীৰ ভাষা ভিত্তিক বাক্য পূৰ্ণগঠন বিন্যাস আইনৰ সুযোগ নিয়া মৈতৈ সম্প্রদায় আগৰ সিদ্ধান্তৰে পরিবর্তন কৰিয়া ১৯৬১ ইংরেজীৰ লোকগণনাৰ সময়ত ভাতহান সুদৃঢ়ভাবে প্রতিষ্ঠা কবানিৰ উদ্দেশ্যলো "মৈতৈ" লক্ষ্য এগো বাদ দিয়া "মণিপুরী" বুলিয়া পরিচাৰ ভাবে লিপিবদ্ধ কৰেছি: যেহান পরবর্তীতে ১৯৮৬ ইংরেজীতে মণিপুর বিধান সভাত বিল পাশ কৰিয়া আৱাকৌ দৃঢ়পদক্ষেপ নিলাগা। এসাদে বিভিন্ন কারণলো বিকুৰ্ণপ্রিয়া মৈতৈ সম্প্রদায় বা গোষ্ঠীৰ ভিতৰে মিল কমছে। উতা এবাকা মূল চৰ্চাৰ বিষয় নাগয়, হুন্দা রাধামাধবজাঁউ শ্ৰদ্ধেয় ধৰ্মীয় সংগঠনৰ

উদ্দেশ্য নিয়া জাতর অস্তিত্ব রক্ষার ব্যপারে তিলনির হংনা করতেগা সুফল নাইল, তবে বর্তমানে উত্তার বহু পরিবর্তন অইল — সুপ্রীম কোর্টর রায়দানে জাতর অস্তিত্ব বা পৃথক সত্তা প্রমাণ অইল।

(ঘ) পয়লাকার বিঃ মণিপুরী বিরাট সভা কার্যকরী সমিতি :- স্বাধীনতার আগের সামাজিক পরিস্থিতি বিচার বিবেচনা ক্রমে সমাজর উন্নতির হংনায় অন্যান্য উদ্দেশ্যর লগে শ্রীশ্রী রাধামাধবজীউ সেবাপূজার কামহান মুখ্য উদ্দেশ্য হানর নিভে বিভিন্ন চেষ্টার ভিতরেদে ১৯৩২ ইংরেজীর মার্চ মাহাত শ্রদ্ধেয় শ্রী তনুবাবু বারো শ্রীমহেন্দ্র কুমার সিংহ গিরক গাছির চেষ্টায় সমাজর বহু জানী, ওনী বিভিন্ন গিরি গিথানীরেলো প্রতাপগড়র গোকিলাগাঙে বিরাট সভাহানর লিংখাত করানি অছিল, যেহান পরবর্তীতে 'মহাসভা' নাঙলো কাম চলিয়া আহের। ঐ বিরাট সভার পয়লা কর্মকর্তার নাং বারো গাং থাংনাত সাতকরানি অইল—

১৯৩২ ইংরেজীর বিরাট সভা সমিতি

- (১) সভাপতি - শ্রদ্ধেয় শ্রী তনুবাবু সিংহ, সিলেট
- (২) সম্পাদক - শ্রদ্ধেয় শ্রীগঙ্গরাজ সিংহ চৌধুরী, পাথারকাষি।
- (৩) সদস্য - সর্বশ্রী নীলেশ্বর মুখার্জী - মাসিমপুর।
- (৪) সদস্য - রুদ্র সিংহ চৌধুরী - কৈলাশহর।
- (৫) সদস্য - প্যারীমোহন সিংহ - হাওর, ত্রিপুরা।
- (৬) সদস্য - কীর্তি উকিল চৌধুরী - কৈলাশহর।
- (৭) সদস্য - থাইসৌ সিংহ - ফটিকরায়, শ্রীপুর।
- (৮) সদস্য - ব্রজধন সিংহ - কমলপুর।
- (৯) সদস্য - বলাই চৌধুরী - কাঞ্চনবাড়ী।
- (১০) সদস্য - শ্রী নিত্যহিচাদ সিংহ, রাজবাড়ী, ধর্মনগর।
- (১১) সদস্য - বঠাসিং পণ্ডিত, তিনখাল।
- (১২) সদস্য - পণ্ডিত সুত সিংহ, নালিবাড়ী।
- (১৩) সদস্য - রামকৃষ্ণ শর্মা (পুস্তরীক্ষ শর্মারপুত্রক) খালবাড়ী,
- (১৪) সদস্য - পণ্ডিত সিংহ কাব্যরত্ন, নালিবাড়ী।
- (১৫) সদস্য - সার্বভৌম চাটাজী - পুঃ কৃষ্ণনগর, সিংলা।

- (১৬) সদস্য - কুলচন্দ্র সিংহ - খিলুয়া কৃষ্ণনগর।
 (১৭) সদস্য - নিত্যাই সিংহ - কৃষ্ণনগর, সিংলা।
 (১৮) সদস্য - নদীয়া সিংহ - বেতুবাড়ী, সিংলা।
 (১৯) সদস্য - রামসিংহ, ফরেষ্টার, পাথারকান্দি।
 (২০) সদস্য - কৃষ্ণকুমার সিংহ, হেডপণ্ডিত, পাথারকান্দি।
 (২১) সদস্য - শ্যামানন্দ রাজকুমার, দুধপুর, কাছাড়।
 (২২) সদস্য - চিংখেই সিংহ, বাজকুমার, বাজনগর, কাছাড়।
 (২৩) সদস্য - কুঞ্জেশ্বর সিংহ - ভকতপুর, কাছাড়।
 (২৪) সদস্য - বিনোদবেহারী, পণ্ডিত, বিক্রমপুর, কাছাড়।
 (২৫) সদস্য - মানিক সিংহ কাব্যবত্ত, নরসিংপুর, কাছাড়।
 (২৬) সদস্য - সেনা সিংহ পোষ্ট মাস্টার, নরসিংপুর, কাছাড়।
 (২৭) সদস্য - নন্দকিশোর সিংহ - নরসিংপুর, কাছাড় (প্রাক্তন এম, এল, এ)
 (১৮) সদস্য - নদীয়া সিংহ, ধলিবিলা, কাছাড়।
 (২৯) সদস্য - মৈনো সিংহ - ঝাপিরবন্দ, সোনাপুর।

(৪) শ্রীশ্রী রাধামাধবজীউ সেবাপূজার থাংনাকার পদক্ষেপ :- ১৯৩৭ সালে বিঃ মণিপুরী বিরাট সভার উদ্যোগে প্রতাপগড় লয়ার তিনখাল শ্রীমণ্ডপে বিরাট সভার অধিবেশন হান অনুষ্ঠিত অইল। ঐ সভারমা শ্রদ্ধেয় তনুবাবু সিংহ গিরকর নেতৃত্বে (সভাপতিত্বে) সমাজর কাম কাজর শৃঙ্খলা আনানির হংনায় থাংনাত ইকরা শাখাকমিটি আকেইহান অইল।

- (১) শ্রীশ্রী রাধামাধবজীউ মন্দির সেবা কমিটি।
 (২) বিঃ মণিপুরী সাহিত্য পরিষদ।
 (৩) বিঃ মণিপুরী সংস্কৃতি পরিষদ।

এসাদে করে বিঃ মণিপুরী সমাজর উন্নতির পথগো ইলনির মাতুমে ধর্মীয় অনুষ্ঠান শ্রীশ্রী রাধামাধবজীউ মন্দিরর সেবার কামকাজ করানির গজে গুরুত্ব দেনা আছিল। ঐ বিরাট সভাত হাবির সর্বসম্মতি ক্রমে শ্রীশ্রী রাধামাধবজীউ মন্দির সেবা কমিটির সভাপতিগো হিসাবে শ্রদ্ধেয় শ্রী তনুবাবু সিংহ গিরক বারো সম্পাদক হিসাবে শ্রদ্ধেয় শ্রী গন্ধরাজ সিংহ চৌধুরী, রাজারগাঁও, পাথারকান্দি গিরকরে লেপকরানি অছিল। শ্রদ্ধেয় গিরক দ্বিযোগিরে চিন করিয়া বিরাট সভার উদ্যোগে হাবি গিরি

গিথানীর হৃৎনায় শ্রীশ্রী রাধামাধব জীউ সেবার কামর উন্নতির হকে বারো সমাজর সাহিত্য সংস্কৃতির গজে গুরুত্ব দিয়া বছরকী বিরাট সভা চলেছিল। বিশেষ করিয়া ঔ বাকাও চিনকরিয়া বিঃ মণিপুরী ঠারর স্বীকৃতির বিভিন্ন চেষ্টা চালানি অছিল। ঔ কাম কাজর পরিপ্রেক্ষিতে স্বাধীনতার আগর হাকতাকে সমাজর স্বনামধন্য ঐতিহাসিক শ্রদ্ধেয় মহেন্দ্র কুমার সিংহ, বি, এ, বি, টি গিরকর জাতর উৎপত্তি সম্পর্কে ইতিহাস সম্বলিত তথ্য সহ “মণিপুরের প্রাচীন ইতিহাস” লেংকরিয়া সর্বজন স্বীকৃত অছিল। গিরকর লেংকরা ইতিহাস ঔ সময়র সরকারর অনুমোদন লাভ করেছিল। মণিপুরর মৈতৈ বেইবুনি হাবি মুগ্ধ অছিল। গিরকর লেংকরা মণিপুরর প্রাচীন ইতিহাস সমাজে ঐ সময় ভাষা সংক্রান্ত বিষয়ে নবজাগরণ আহানর জোয়ার কাকরে দিল। ঔ ইতিহাস নথি পত্রেরে কেন্দ্র করিয়া সমাজে ইমাঠারে বিভিন্ন পত্র পত্রিকা নিকুলিল বারো শিক্ষিত ছাত্র-যুব সমাজ বেইবুনিহাবি অনুপ্রাণিত অইলা। কিন্তু পরে জাতর লকেই বা গোষ্ঠীর ভিতরে গোত্র নিয়া বারো লকেইর সমালোচনালো সমাজর ভিতরে বিভিন্ন সমস্যা অইল থাংনাত ১৯৫৬ ইংরেজীর সিংলার আন্দুরগাঙে অতি গুরুত্বপূর্ণ বিরাট সভা আহানর ঠোরাং করানি অছিল; যেহানাং বিরাট সভা নাঙহান পরিবর্তন করিয়া বিঃ মণিপুরী মহাসভা নাঙহান লিপিবদ্ধ করানি অছিল। পিছেদেত্ব সমাজর বিভিন্ন লয়াত মহাসভার অধিবেশন চলিয়া আহের। মহাসভার প্রত্যেক বছরকী অধিবেশনে ভাষা স্বীকৃত বারো শ্রীশ্রী রাধামাধবজীউ মন্দির সেবা পূজার ব্যাপারে মুখ্যভাবে আলোচনা চলের।

কিন্তু ১৯৬১ ইংরেজীর লোকগণনার সময়মত সরকার পক্ষত্ব বিঃ মঃ ঠারর মানু অতি কম লেপকরেছিল। বিঃ করিয়া প্রতাপগড় লয়ারমা বেয়াপা আকগো বুলিয়া লেপকরানি অছিল। এহেন অবস্থার পরিপ্রেক্ষিতে মহাসভার পক্ষও সরকারাং জোড়দার প্রতিবাদ বারো দাবী জানানি অইল। এসাদে করে ১৯৬৫ ইংরেজীরমা মহাসভা সামাজিক মুখ্য সংগঠন হিসাবে রেজিস্ট্রেশন করানি অইল; রেঃ নং-৯৪/১৯৬৫ইং/ ঔহানর থাংনাত পরবর্তী পদক্ষেপ হিসাবে ভাষা পরিষদ, আন্দোলন পরিষদ, সংস্কৃতি পরিষদ, ছাত্রসংস্থা, সাহিত্য পরিষদ বারো শ্রীশ্রী রাধামাধব জীউ সেবাপূজা কমিটি বুলিয়া বিভিন্ন শাখা কমিটি হঙইল। সমাজহান জবর আন্দোলনমুখী নেতৃত্বর ছতগলো চালিল। প্রত্যেক অধিবেশনে সাত দফা দাবী আদায়র লগে শ্রীশ্রী রাধামাধবজীউ সেবা পূজা মুখ্য বিষয় হিসাবে আলোচনা অছিল।

এহানির খাংনাত মহাসভার নেতৃকন্ড বাবো কর্মে কন্ডব ভিত্তি নীতিগত পদ্ধতি
 দেহাদেহিছিল। এসাদে করে দ্বিতীয় সম্মেলনের মহাসভার পক্ষত ১৯৮১
 ১৯৮১ ইংরেজীর ভিত্তিসরকারে পক্ষত ১৯৮১ ইংরেজীর ভিত্তিসরকারে
 পর্বিসংখ্যান স্বীকৃতি সরকারী ভাবে পক্ষত ১৯৮১ ইংরেজীর ভিত্তিসরকারে
 ব্যক্তি নন্দকির্ষণে সিংহ, প্রাক্তন এম এল এ পক্ষত ১৯৮১ ইংরেজীর ভিত্তিসরকারে
 মতভেদ দেহাদেহিনায় ১৯৮০ ইংরেজীর সিংহ পক্ষত ১৯৮০ ইংরেজীর ভিত্তিসরকারে
 যেই ক'নয় সম্মেলন ভাবে দুইজন মহাসভা কতকগুলি নীতিগত পদ্ধতি সম্মেলন
 মহাসভার অধিবেশনে রাধামাধবজীউ সেবাপূজা আয়োজনা শুক্ল পক্ষত ১৯৮০
 অক, পিছরে শ্রী শ্রী রাধামাধবজীউ কমিটির ভাষণে প্রকাশিত ক'নয়
 তিনজন শ্রীমতী সম্মেলন ভাবে সিংহ মহাসভার ভিত্তি নীতিগত পদ্ধতি
 বক্তৃতা গণ আয়োজন আহান (১) নীতিগত পদ্ধতি নীতিগত পদ্ধতি
 কর্মকর্তা কমিটির দাপা আহান উপস্থিত নানাবিধ সিংহ মহাসভার
 কতমাহাব খাংনাত ১৯৮৪ইং জুন মাসে সিংহ মহাসভার ভিত্তি নীতিগত
 দ্বিতীয় মহাসভার আকতা ক'নয় হংকং বিশেষ অধিবেশন সভা অধিবেশন
 যেহানাত সাময়িকভাবে কাম চলাচলকা বক্তৃতা দ্বিতীয় মহাসভার পক্ষত ১৯৮৪
 কমিটি আহান ক'নয়নি অছিল, বক্তৃতা পূর্ণাঙ্গ ক'নয়নি অছিল হংকং
 সিংহ মহাসভার শ্রীমতী অধিবেশন হান ডাহানি অছিল ১৯৮৪ ১৯৮৫ ইংরেজীর
 ফেব্রুয়ারী মাসত। কিন্তু দুর্ভাগ্যবশতঃ আকতা ক'নয় নীতিগত আহান হংকং
 প্রচেষ্টা নিবল অছিল। নীতিগত পদ্ধতি নীতিগত পদ্ধতি আহান হংকং
 অধিবেশনেও নিবলিয়া অছিল। তিন নীতিগত পদ্ধতি নীতিগত পদ্ধতি
 হংকংনিব হংকং অর্থতঃ সম্মেলন হংকং হংকং হংকং হংকং
 আহান না ক'নয়নি ওয়াক ক'নয় সম্মেলন হংকং হংকং হংকং
 বক্তৃতা পদক্ষেপ নানাবিধা শুক্লভাবে সাহিত্যসভা নীতিগত পদ্ধতি
 নিয়া সংগঠন আহান হংকংনি অছিল (বঃ মং নং ৭৪/১৯৮৩ ৩৫) পিছরে
 সভার কাম কাজ অনেক আগ বাতানি অকবল অকবল অকবল মহাসভা
 নিভয় কর্মপদ্ধতি নির্মাণ করিয়া অগ বাতানি অকবল অকবল
 যারীহান অছিলতায় সাহিত্যসভা বাবো মহাসভা দ্বিতীয় সংগঠনের
 অধিবেশনেও রাধামাধবজীউ প্রভুর কপায় সেবাপূজার আলোচনার শুক্ল
 স্থান পেয়া

আহের, যেহানাত মুখ্যকর্মকর্তা আচার্য উদয় চন্দ্র সিংহ গিরক, বারো লগে সৈবাপূজার কর্মকর্তা থাইতারা।

(৫) শ্রীশ্রী রাধামাধব জীউ স্বাধীন সংগঠন হিসাবে রেজিস্ট্রেশন বারো উন্নতির সিঁজিল ১৯৮৫ ইংরেজীও সমাজরমা সাহিত্যসভা বারো মহাসভা বুলিয়া দুহান নেতৃস্থানীয় সংগঠন চলেছিল হায়হান; কিন্তু দুহান সংগঠন চলানির ভিতরেদে শ্রীশ্রী রাধামাধবজীউ সেবাপূজারমা অসুবিধা দেহাদিতে পারে বা সমস্যার সৃষ্টি অইতে পারে বুলিয়া কোন সংগঠনের অধীনে বা আয়ত্তে না থায়া নিজস্ব সত্তার ভিতরেদে ধর্মীয় মনোভাব বা আধ্যাত্মিক চেতনার পথগো ইলয়া সমাজসেবার নিঙে শ্রী শ্রী রাধামাধবজীউ সেবা পূজা সমিতি বুলিয়া তঙাল করে সামাজিক ধর্মীয় সংগঠন আহান রেজিস্ট্রেশন করানি অইল। রেজিস্ট্রেশন নং ৭৪/১৯৯৪ইং। উহানর নাং শ্রীশ্রী রাধামাধবজীউ সেবা পূজা সমিতি।

প্রসঙ্গতঃ উল্লেখ করানি থক যে ১৯৯৪ ইংরেজীর মার্চ মাহাত সিংলা আঞ্চলিক বার্ষিক সাধারণ অধিবেশন পাচডালীরমা সমাজসেবারী শ্রীযুক্ত সেনাতাম্ফা গিরকে শ্রীশ্রী রাধামাধব জীউ মন্দির পুনর্নির্মাণর প্রস্তাব আনেছিল। ঐ সভাত মি স্বয়ং উপস্থিত আছিল। ঐ প্রস্তাবরে ভিত্তি করিয়া ১৯৯৪ ইং অক্টোবর/ নভেম্বর মাহাত প্রতাপগড় গোকিলাগাঙে রাধামাধবজীউ কেন্দ্রীয় কার্যকরী সভাত আরাকৌ জোড়দার করে শ্রীমন্দির পুনর্নির্মাণর জোড়ালো প্রস্তাব গৃহীত অইল। থাংনাত ১৯৯৪ইং ২৫ ডিসেম্বর প্রতাপগড় তিনখাল ভীমদেব শর্মা এইগা গিরকর শ্রীমণ্ডপে শ্রীশ্রী রাধামাধবজীউ কেন্দ্রীয় বিশেষ অধিবেশনে মন্দির পুনর্নির্মাণর জোড়ালো প্রস্তাব সিদ্ধান্ত আকারে গৃহীত অইল।

থাংনাত ১৯৯৭ ইংরেজীরমা মার্চে ১১৭ তম শ্রীশ্রী রাধামাধবজীউ কেন্দ্রীয় সাধারণ অধিবেশনে সিংলা লয়ার রূপাগ্রাম শ্রীমন্দিরে মন্দির পুনর্নির্মাণ সিদ্ধান্ত চূড়ান্তভাবে কার্যকরী করানিরকা শ্রীযুক্ত শ্যামসুন্দর সিংহ গিরকরে সভাপতিত্ব চিনকরিয়া কার্যকরী কমিটি আহান হংকরানি অইল। ঐদিন কার মন্দির পুনর্নির্মাণর কাম কাজর অগ্রগতিরকা বিষ্ণুপুর শ্রীমণিভূষণ সিংহ গিরকে ১০০.০০ হান তাংখা দিয়া অকরাগ দেছিল বুলিয়া পৌ পানা অছিল।

যেতাউ অক এসাদে করে রেজিস্ট্রেশন করানির থাংনাত শ্রীশ্রী রাধামাধবজীউ সেবা-পূজা সমিতি হঙইল, বিধি-বিধানাবলী বা সাংবিধানিক প্রস্তাবাবলী গৃহীত

অইল। ঐ প্রস্তাবাবলীর মতুম ইংল্যান্ড হাউস অফ কমন্স উন্নতি কমিটিতে সনদিত করে দেওয়া হয়।
সমাজের হাবি লগাত আপনিক সনদিত করে দেওয়া হয়। কমিটি বা শাখা কমিটি হ'ল কমিটি
আছে, যেভাবে মাধ্যমে নিয়মিতভাবে সমাজের কাজে যোগ দেওয়া হয়, কল্যাণ কেন্দ্র
কমিটিতে জমা দিতারা বারো কেন্দ্রীয় কমিটিতে পক্ষও বসে। শুধুমাত্র সেবাপূজার
দ্বিতীয় সেবাইও গিরকবাং তাংখা ১০/১৫ হ'ল। সেবাপূজার কাজে ইংল্যান্ড
হংকবানির ব্যাপারে বারো ধর্মীয় অধ্যাপনার পরিচালিত বহুতর দিনে দাবিযুক্ত
কেন্দ্রীয় কমিটির সভা বারো তিন সনদিত করে দেওয়া হয়। অদিকভাবে, অদিক
অদিকভাবে কেন্দ্রীয় কমিটি পুনর্নির্মাণের কাজে যোগ দেওয়া হয়। অদিকভাবে
সম্প্রদায়িক প্রতিবেদন পাঠ করে। অদিকভাবে অদিকভাবে অদিকভাবে অদিকভাবে
মাধ্যমে পরীক্ষা কবানির তাংখা ১০/১৫ হ'ল। অদিকভাবে অদিকভাবে অদিকভাবে
পক্ষও অদিকভাবে অদিকভাবে অদিকভাবে অদিকভাবে অদিকভাবে অদিকভাবে

এসাদে করে শ্রীশ্রী রাধামাধব জীউ প্রভুত পক্ষে অদিকভাবে কমিটিতে
কর্মকর্তাগিরি গিথানির তাংখা চিন্তার কেন্দ্রীয় কমিটিতে কর্মকর্তা গিরি গিথানি
হাবিহানে শ্রী মন্দির উন্নতির সিদ্ধান্তের কাজে পূর্ণউদ্যমে ভূমিকা নোঙরা। এহান
সমাজেরকা ধর্মশালার আশ্রয় নোঙর কাজে বারো জাতীয় ধর্মীয় মন্দির
দেবার কম কাজে অতি গুরুত্বপূর্ণ তাংখা ১০/১৫ হ'ল। এহান তাংখা ১০/১৫ হ'ল
হাবি থাকর ভক্ত মানাই গিরিগিথানিতে পাঠ্যকর্ম করান। বহুতর ধান আক
কাঠি, দ্বিকাটি বা তাংখা ১০/১৫ হ'ল সাহায্যে সেবাপূজার কাজে চলতে
পারে। কিন্তু শ্রী মন্দির পুনর্নির্মাণের ব্যাপারে সমর্থার ভিত্তিতে দশ-দশগিথানিতে
কমপক্ষে ৫০০ হান তাংখাও চিন্তার গুরুত্বপূর্ণ যোগ্য যোগ্য পারিলে সহায়, নোঙর
মন্দির পূর্ণ নির্মাণ বারো উন্নতির সিদ্ধান্ত হ'ল। অইতয় এহানাত শ্রোনেয়। "দানম
পূণ্যকর্ম" নিঙে সাহায্য করান।

- (৬) রাধামাধব জীউ শ্রী মন্দিরর কমাদার বা সেবাইতব নাং বারো ঠিকানা :-
- (১২৭২ বঙ্গাব্দ ও ১৪১৪ বঙ্গাব্দ পেয়া অর্থাৎ ১৮৬৫ ইংবেজী ও ২০০৬ ইং পেয়া)
 - (১) ১ম শ্রীমৎ পুস্তরীকাক শর্মা পক্ষ ঠিকানা - প্রতাপগড়।
 - (স্থাপয়িতা বা লিংখাতপা) মন্ত্রীগ্রাম ১২৭২ বঙ্গাব্দ বা ১৮৬৬ ইংবেজী ১০ বছর।
 - (২) ২য় শ্রী রামদাস সিংহ, নালিবাড়ী - ১৮৭৫ ইংবেজী (১২৮২ বাংলা) ১০ বছর।
 - (৩) ৩য় শ্রী গণেশ সিং, ভানুগাছ - ১৮৮৫ ইং (৭ বছর) ১২৮৯ বাংলা।

- ✓(৪) শ্রী ভানুচন্দ্র সিংহ, ভানুগাছ - ১৮৯৩ইং - ৮ বছর (১২৯৭বাংলা)।
 (৫) ভূমিদাতা গোস্বামীর বংশধর - ১৯০২ ইং ৯ বছর (১৩০৬বাংলা)।
 (৬) শ্রী আমৃতল সিংহ, কমলপুর - ১৯১২ ইং ১০ বছর (১৩১৫বাংলা)।
 (৭) শ্রী কমল সিংহ - খলাই (কাছাড়) ১৯২১ ইং - ১০ বছর (১৩২৫বাংলা)।
 (৮) শ্রী শ্যামদাস সিংহ রাতাছড়া - ১৯২৫ ইং ৫ বছর (১৩৩০বাংলা)।
 (৯) শ্রী লক্ষীকান্ত সিংহ - বিক্রমপুর - ১৯৩০ ইং - ৫ বছর (১৩৩৪বাংলা)।
 (১০) শ্রী অন্নরচাদ সিংহ, কৈলাশপুর (১৯৩৪ইং) ৩ বছর (১৩৩৬বাংলা)।
 ✓(১১) শ্রী পুরেল শর্মা, শ্রীপুর - ১৯৩৮ ইং - ২ বছর (১৩৩৯বাংলা)।
 (১২) শ্রী জগদীশ বাবা, প্রতাপগড় - ১৯৪০ ইং - ১১ বছর (১৩৪১ বাংলা)।
 (১৩) শ্রী নারদ বাবা সিংলা - মদনপুর (১৯৫১ ইং) ৪ বছর (১৩৫২বাংলা)।
 (১৪) শ্রী গোপাল দাস কাছাড় - (১৯৫৫ ইং) ৪ বছর (১৩৫৬বাংলা)।
 (১৫) শ্রীমতি চাউবিতল দাসী - শিলচর, সিন্ধারী - ১৯৫৯ ইং - ৬ বছর (১৩৬০ বাংলা)।
 (১৬) শ্রী রাধারমন সিংহ - ঝামিরালা - ১৯৬৫ ইং - ৫ বছর (১৩৬৬বাংলা)।
 (১৭) শ্রী কালাধন সাধু - কচুবাড়ী - (মেরাক মেরাকে) - ১ বছর ১৯৭০ ইং (১৩৭১বাংলা)।
 (১৮) শ্রী রাধারমন সিংহ - কাছাড়, সিন্ধারী - ১৯৭২ইং - ১ বছর (১৩৭২বাংলা)।
 (১৯) শ্রী উদয় সিংহ (দয়াল দাস) - প্রতাপগড় - ১৯৭৩ইং - ১ বছর (১৩৭৩বাংলা)।
 (২০) শ্রী মদনমোহন সিংহ - নরসিংপুর (১৯৭৩ইং ৯৪ইং) ২১ বছর (১৩৭৩-৯৪ইং) ৩ বছর।

মদনবাবা (দ্যৌর খয়া পানার আগমুহূর্ত পেয়া)

- (২১) শ্রী কমলেশ সিংহ - ঝাপিরবন্দ (১৯৯৪ইং-৯৭ইং) ৩ বছর (১৩৪৯বাংলা - ৯৭বাংলা)।
 (২২) শ্রী মণিকান্ত সিংহ - ভকতপুর - কতমাহা (১৯৯৭ইং) - (১৩৯৭বাংলা)
 (২৩) শ্রী রমন সিংহ কাছাড়, সিন্ধারী - কতমাহা - (১৩৯৭ বাংলা) (১৯৯৭ ইং)
 (২৪) শ্রীমতী ললিতা দাসী (বাসন্তী) নালিবাড়ী - কতমাহা (১৯৯৭ইং)

(১৩৯৭বাংলা)।

(২৫) শ্রী মদন শর্মা, রাধাকুঞ্জ, রামামন্দির - কতমাহা ১৯৯৭ইং (১৩৯৭বাংলা)।

(২৬) শ্রী রামনারায়ণ সিংহ জিরিবাম - (১৯৯৭ - ২০০১ইং) ৪ বছর (১৩৯৭-১৪০১বাংলা)।

(২৭) শ্রী বনবীর সিংহ দায়িছে কতমাহা (২০০১ইং ২০০৪ইং) ৩ বছর (১৪০১ বাংলা - ১৪০৫বাংলা)

(আওর, ধর্মনগর)

(২৮) শ্রী কৃষ্ণকান্ত সিংহ (মাছুদাট) ২০০৪ ইংরেজীও বর্তমান পেয়া (তালিকাহান পরবর্তীতে আরাকৌ অতুর্ভুত অইতগ)।

(৭) রাধামাধবজীউ সেবাসমিতির তালিকা (অকলাওপরি):

(১) ১ম - সভাপতি শ্রী তনুবাবু সিংহ - এ সি এস - ১৯৩৭ ইং সিলেট

(বিবট সভা বাদে রাধামাধবজীউ কমিটি)

সাধারণ সম্পাদক - শ্রী গঙ্গবাজ সিংহ চৌধুরী, প্রতাপগড়, রাজারগাঁও।

(২) ২য় সভাপতি- সমরজিৎ সিংহ, সারজুজ, পাথারকান্দি — (১৯৫৮ইং ৫৪)

(তনুবাবুর পুত্রক)

সাঃ সম্পাদক - কৃষ্ণকান্ত সিংহ, হেডপার্শ্বত, পাথারকান্দি।

(৩) ৩য় - সভাপতি হেডপার্শ্বত কৃষ্ণকুমার সিংহ, রাজারগাঁও, পাথারকান্দি,

সম্পাদক - ডাঃ রাজেন্দ্র কুমার সিংহ, পাথারকান্দি (১৯৫৪ইং-৫৬)

(৪) সভাপতি - ডাঃ রাজেন্দ্র কুমার সিংহ, প্রতাপগড় - উনাম গাঁও, সম্পাদক শিক্ষক হরেন্দ্র কুমার সিংহ (উনাম গাঁও) (১৯৫৬-৬০ইং)

(৫) সভাপতি - ডাঃ রাজেন্দ্রকুমার সিংহ (১৯৬০ ৬৫ইং) পাথারকান্দি,

সম্পাদক - শিক্ষক নীলকান্ত সিংহ, রাজারগাঁও।

(৬) সভাপতি - ক্ষীরোদ বেহারী সিংহ, শিক্ষক প্রতাপগড় - পারুলগাঁও। (১৯৬৫-৭০ইং)

সম্পাদক - শিক্ষক নীলকান্ত সিংহ - রাজারগাঁও।

(৭) সভাপতি - ক্ষীরোদ বেহারী সিংহ - শিক্ষক - প্রতাপগড়, পারুলগাঁও (১৯৭০-৭২)

সম্পাদক - আচার্য উদয়চন্দ্র সিংহ, হেডমাষ্টার, নালিবাড়ী এম, ই (১৯৭২ইং)

(৮) সভাপতি - শ্রী ক্ষীরোদ বেহারী সিংহ, শিক্ষক (৩২ তম মহাসভা অধিবেশন)
পারুগাঁও (১৯৮০ইং)

সাঃ সম্পাদক - আচার্য উদয় চন্দ্র সিংহ, নালিবাড়ী।

(৯) সভাপতি - শ্রী ভীমদেব শর্মা, তিনখাল - ১৯৮০ইং (৩৩ তম মহাসভা অধিবেশন)

সাঃ সম্পাদক - আচার্য উদয় চন্দ্র সিংহ, নালিবাড়ী (ইং ১৯৮৪ইং পেয়া)

(১০) সভাপতি - শ্রী ভীমদেব শর্মা - তিনখাল (১৯৮৫-৯০ইংসাঃ সম্পাদক -
আচার্য উদয় চন্দ্র সিংহ-

সাংগঠনিক সম্পাদক শ্রী সেনাতায় সিংহ (১৯৮৮ইংরেজী ও ২০০৩ ইং পেয়া)

(১১) সভাপতি - শ্রী রাধারমন বানার্জী (১৯৯০-৯৫ প্রতাপগড় (গোকিলাগ্রাম)

সাঃ সম্পাদক - আচার্য উদয় চন্দ্র সিংহ।

(১২) সভাপতি - শ্রী রাধারমন বানার্জী (১৯৯৫-২০০৩ইং) গোকিলাগ্রাম।, সাঃ
সম্পাদক উদয়চন্দ্র সিংহ (১৯৯৫-২০০৩ইং)

(১৩) সভাপতি - শ্রী শ্যামসুন্দর সিংহ - ২০০৪ইংরেজীও বর্তমান পেয়া।

সাঃ সম্পাদক - শ্রী কৃষ্ণচরণ সিংহ ২০০৪ইংরেজী ও বর্তমান পেয়া
(রাজারগাঁও - প্রতাপগড়)

বিঃ দ্র :- তালিকাহান পরবর্তী পর্যায়ে আরাকৌ অন্তর্ভুক্ত অইতয়।

(৮) রাধামাধবজীউ সেবা পূজা সমিতির ২০০০ সনের থাংনার কামকাজ :- শ্রীশ্রী
রাধামাধব জীউ সেবাপূজা পরিচালনা সমিতির ২০০০ ইংরেজীর থাংনাকার উন্নতির
সিঙিল কিসাদে আগ বাড়েছে, ঔহান থাংনাত চুম্বক আকারে চৌরাপ চৌরাপ খানি
আহান সাতকরানি অইল—

(ক) রাধামাধব প্রভুর সাংকা :- শ্রীশ্রী রাধামাধবজীউ সেবাপূজা পরিচালন
সমিতির সম্পাদক আচার্য উদয় চন্দ্র সিংহ গিরকর লগে সমিতির কর্ণধার
গিরিগিথানীর হংনায় ২০০০ ইংরেজীর রাধাকুণ্ডামব শ্রীশ্রী রাধামাধব প্রভুর মন্দির
নাট মন্দির, ভাণ্ডারী কোঠা, কুঞ্জবাসী থানার ঘর ইত্যাদি হংকরানির কামে খানি
আহান কমিটির পক্ষও পদক্ষেপ নেনা অইল। ধামরমা ২০০৩ সালে শ্রীমন্দির সাংকা
কিতা আনুষ্ঠানিক ভাবে অনুষ্ঠিত অইল। পণ্ড বিষ্ণুপ্রিয়া মণিপুরী গিরিগিথানী ভারতর
হাবি ফামেও যোগদান করিয়া কামহান সুচারুরূপে পালন অইল। জাতর কৃষ্টিকলা

রক্ষারকা ডাকুলা ইসালপা, এলা ন'হা; কৃষ্ণলীলাব মহাসংকঠন বি.এ. অইল। একমাত্র সিংলাবাসী বাস বিজ্ঞাভিশোনে প্রতিনিধিত কবেছিল ও মন্দির সংকঠন এসাদে করে খনি আহান পরিবর্তন অইল। ধন সম্পদ লয়া লয়াও দিয়া পেঠেয়া প্রভুর শ্রীমন্দির হংকরানির কাম কাজে খনি আহান আগ বাড়িল, যদিও প্রভুর শ্রীমন্দিরর পূর্ণারূপারেখা এবুঝ পেয়া লয় নাহে। শতকরা ২৫ ভাগ কাম আছে কুনয়া' দৌ পানা অইল।

(খ) আচার্য উদয় চন্দ্র সিংহ গিরকর খাংনাক'র সম্পাদক : ২০০৪ সনে শিলচর সিঙ্গারী'র ১২৪ তম অধিবেশানে রাধামাধব জীউ সেবা সমিতি নুয়া করে হুইল। সম্পাদক আচার্য উদয় চন্দ্র সিংহ গিরকে ক'র'র সম্মান'র ফলে নুয়া করে সাধারণ সম্পাদক শ্রী কৃষ্ণচরণ সিংহ, অবসরপ্রাপ্ত হেডমাস্টার, দ'ভা'ব'ও, পাথারকামি বারো সভাপতি শ্রী শ্যামসুন্দর সিংহ, গাউনবন্দ সিংলা লগে আবাকৌ গিরিগিথানী ক'র'গে সদস্য হিসাবে লেপইলা। তা থক'র' এবে নুয়া করে লেপক'র' সেবাপূজা সমিতির কার্যকাল'র ম'দে আবাক খনি পরিবর্তন অইল, ওইহ'ন খংনাত ফংকরানি অইল।

(গ) অডিট রিপোর্ট বা হিসাব নিকাশ শ্রীশ্রী রাধামাধব জীউ সেবা পূজা সমিতির আয় ব্যয়'র অডিট বা হিসাব - নিকাশ'র ওপা কামক'র'গা দিয়া পেঠানি অ'হুত'য় ৬৫২০০.০০ (পয়ষষ্টি হাজার দুইশ) বারো ৪৭০১২.০০ (সাতচল্লিশ হাজার বাব) ব্যাংক একাউন্টে আছে। ওতা ছাড়া ব্যক্তিগত দান ব'রো অন্যান্য উৎসবানি খব'র হিসাব লিপিবদ্ধ আছে। লিপিবদ্ধ তথ্যমতে হাবপানি অইল যে সিংলা অধঃস ব'রো প্রতাপগড় অঞ্চলে সেবাপূজা খাণ্ডে দিয়াম'র'প' লয়া দে'হি।

(ঘ) শ্রীশ্রী রাধামাধবজীউ সেবা পূজা সমিতির (সংশোধনী) সংবিধান : ১৯৯৪ ইংরেজী'রমা শ্রীশ্রী রাধামাধবজীউ সেবা পূজা গ্রহণ কর'গ'ন আ'ছিল। কিন্তু উহ'ন সঠিক রূপায়ন কর'নি'র পথগো সার্থক কর'নি'রকা ১২৪ তম শিলচর সিঙ্গারী'র সাধ'বণ অধিবেশানে ২০০৪ ইংরেজী'রমা সেবা-সমিতি'র বিধি বিধানবলী সংশোধনী কর'নি'র সিদ্ধান্ত নে'না আছে। ও সিদ্ধান্তমতে গেলগা ২০০৫ সন'র ৩১ মার্চ তারিখে সেবাপূজা পরিচালন সমিতির সংশোধিত বিধি বিধানবলী সংবিধান কমিটির আহ্বায়ক শ্রীযুক্ত বীবেশ্বর সিংহ, সভাপতি শ্রী শ্যামসুন্দর সিংহ গিরক ব'রো সম্পাদক শ্রী কৃষ্ণচরণ সিংহ গিরক গছির স্বাক্ষরে সংশোধিত বিধিবিধানাবলী আহান ফংকরানি আছে।

সংশোধিত বিধিবিধানাবলী ৪১নং ধারামতে নবদ্বীপের গোবিন্দবাড়ী আখড়াহানর ব্যাপারে লয়া লয়াও বছরে ২০০.০০ রপা কেন্দ্রীয় সেবাপূজা পরিচালন সমিতির মা ভমা দেনারকা উল্লেখ আছে। বারো রিপোর্টমতে হারপানি অইল যে ২০০৪ সনের ৪ জুলাই কার্যকরী সমিতির সভাত আগরতলার। A. S. অফিসার শ্রী বনমালী সিংহ গিরকর প্রস্থাবে সংশোধিত সংবিধান কমিটি হান হতছে এহানাত সিংলার শ্রীযুক্ত সেনাতাম্রা সিংহ সদস্য আগো আছে।

(৩) কেন্দ্রীয় সিদ্ধান্ত ২০০৫ইংরেজীর ২০, ২১ বারো ২২ মার্চ ১২৬ তম সেবাপূজা কেন্দ্রীয় সাধারণ অধিবেশন হাওর (ফুলতলী) কামে বহেছিল। ঐ কেন্দ্রীয় সভার সিদ্ধান্ত মতে লেপ করানি আছে যে আঞ্চলিক সমিতির আয়-ব্যয়র হিসাবর প্রতিবেদন আহের ১২৭ তম কেন্দ্রীয় সাধারণ অধিবেশনে হাবি লয়াও দাখিল কবানির পরে ফউইতয়া। দ্বিতীয়ত :- শ্রীমৎ পুঞ্জরীকাক শর্মা স্মৃতিচারন সভার সিদ্ধান্তমতে শ্রীশ্রী রাধামাধবজীউ মর্মান্ব প্রাতিষ্ঠাতা সেবাইত শ্রী পুঞ্জরীকাক শর্মা এইগা গিরকরে “ব্রহ্মর্ষি” উপাধি দেনা অইল। বারো এইগা গিরকর তৈলচিত্র আগো জয়দেব ঠাকুর, নবোন্ম ঠাকুর বারো শ্রীভুবনেশ্বর সাধুঠাকুরর লগে সামঞ্জস্য থয়া ধামরমা হংকরানির দায়িত্ব ঐ সেবাইত গিরকবাং দায়িত্ব সমঝানি আছে। তৃতীয়ত:- শ্রীশ্রী রাধামাধব প্রভুর নিঙে “রাধামাধব সমাচার” বুলিয়া পত্রিকা আহান ফংকরানিরকা প্রদেয় শ্রী সুভাষ চন্দ্র শর্মা, প্রতাপগড় খালপার গিরকরে সম্পাদকীয় বোর্ড আগোর মাধ্যমে দায়িত্ব দেনা আছে। বাবে বিভিন্ন লয়াও প্রবন্ধ, রচনা, আদি পুলকরিয়া ছাপেয় নিকালানির দায়িত্ব দেনা আছে। থাংনাত-কৈলাশহরর “শৌ-সেবা সমিতি” বুলিয়া সংগঠন আহানর বিভিন্ন উন্নয়নমুখী কার্যকলাপর প্রশংসা করানি আছে। এতার থাংনাত সেবাপূজা সমিতির প্রাণ্ডন সম্পাদক তথা বর্তমান মুখ্য উপদেষ্টা উদয় চন্দ্র সিংহ গিরকরে কাম-কাজর পরিপ্রেক্ষিতে “কর্মযোগী” উপাধি প্রদান কবানি আছে। আরাক উল্লেখযোগ্য য্যারী আহান অইলতয়া ধামর যাত্রানিবাসর পাকা করানির কাম কাজ পরি-কল্পিত ধন - সাম্পালর ৭৫ % (শতকরা ৭৫ ভাগ) জমা পড়ানির পিছেদে কামে আত দেনা অইতয় বুলিয়া সিদ্ধান্ত নেনা আছে। এতা হাবির থাংনাত ধামর সেবাইত গিরকে কুঞ্জবাসীর লগে তিন চাবি মাহার ভিতরে একেইধরুম শ্রীমন্দিরর উন্নতির বিষয়ে আলোচনা করিয়া কেন্দ্রীয় সমিতির জ্ঞানানির সিদ্ধান্ত নেনা আছে।


(৯) খামতলহান বা উপসংহার :- গজে ইকরা উপাদান বা খমকরিয়া পুলকরানির

তথ্যমতে খামতলে এহান মাতানি মনাউরিতায় যে শ্রী শ্রী রাধা মাধবজীউ সেবাপূজা পরিচালনা সমিতি এহান সমাজর রেজিষ্ট্রেশন করা স্বাধীন ধর্মীয় সংগঠন আহান। ১৯৯৪ ইংরেজীও লেপকরা স্বাধীন সংস্থা এহান পঞ্চ বিষ্ণুপ্রিয়া মণিপুরীর একমাত্র ধর্মীয় স্বাধীন সংস্থাহান শ্রীরাধাকুণ্ডধামে মূর্তি পালয়া আছে। ধামরমা ফিরালহান সাকয়া আছে ধর্মীয় ফাম এহান জাত তথা সমাজর মান ইজ্জত, কৃষ্টি-কলা বারো ঐতিহ্য রক্ষার প্রাণকেন্দ্রর ফামহান। ভারতর যেতা যেতা তীর্থর ফাম আছে, ঔতারমা এহান আমার জাতীয় গৌরবহান। আমার প্রাণ পুরুষ ব্রহ্মর্ষি পুঞ্জরীকাক্ষ শর্মা এইগা গিরকরাংতো চিনকরে আমার আপা-বপা গিরিগিথানীয়ে বর্ন্তিগো কুপেছি ফামহান। এহানরে আরাকৌ সমৃদ্ধশালী করানিরকা পর্যাপ্ত পরিমাণে তাংখা লিকলর দরকার। নুয়ারতারা লেইরাপা গিরি গিথানীয়ে ধান দ্বি আককাঠি বা রূপা দশহান দিয়া সেবা পূজার কাম চলেছে। কিন্তু সমাজরমা সম্বলপূর্ণ গিরিগিথানী য্যামপারা দেহিয়ার। ঔঔগিরিগি থানীরাং হেইচাহান, যথোপযুক্ত সাহায্যলো কমপক্ষে লিশিং আহানও অকরিয়া গজে যেগয় যেতা পারিল ধন সাম্পাল সাহায্যলো “দানম-পূণ্যকর্মম” নিঙহানলো কাতকরলে শ্রী মন্দির হংকরানি, তীর্থযাত্রী থানার ঘর, কুঞ্জবাসী থানার ঘর, বারো লগে আনুসঙ্গিক দরকারী সুযোগ-সুবিধা হংকরানির কাম-কাজে উন্নতির পথগো ইলয়তয়। সমিতির কর্মকর্তা গিরিগিথানীয়ে পাংকাল দেনা থক, যাতে শ্রীশ্রী রাধামাধব জীউ প্রভুর ধর্মীয় প্রতিষ্ঠান এহান ইঙাল ঙালয়া থানা, লগে নবদ্বীপ ধামরমা সাধুঠাকুরর লিংখাত করা গোবিন্দবাড়ী আশ্রমহানউ গুরুত্ব দেনা, বংকবেহারী জীউ মন্দিরগউ শ্রীবৃদ্ধিকরানি। কারণ ঐতিহাসিক লেখক গিরিগিথানীয়ে মাতিয়া গেছিগা যে নবদ্বীপধাম এহান উত্তর পূর্বভারতর তীর্থযাত্রীরকা থংচিলহান অর্থাৎ "Nabadwip is the gate way of North East Indian pilgrim"। যেতাউ অক, পরিশেষে এহানেই লক্ষ বস্তুহান যে প্রভুর শ্রীশ্রী রাধামাধবজীউ পঞ্চ মন্দিরর ধর্মীয় প্রতিষ্ঠান এহান রক্ষার কাম কাজে কিতিকুরুম অইলে জাতর অস্তিত্ব টিকিয়া থানা চিলছে। তা থকয়া এসাদে পঞ্চ বিঃ মণিপুরীর ধর্মীয় প্রতিষ্ঠানর উন্নতিরকা শ্রীশ্রী রাধারাণীর কৃপাদৃষ্টি হানরে গজে থয়া একমাত্র লক্ষ্য বস্তুর নিঙে হাবি ভক্ত মানাই বৈষ্ণব গিরিগিথানীয়ে পুন্নিংসেঙয়া শ্রীমন্দির পুনর্নির্মাণ বারো সেবাপূজার কাম কাজে পাংকাল দিয়া আগ বাড়ানি থক।

“জয় রাধে, জয় রাধে”।

— : তথ্য সংগ্রহ : —

- (১) সেবাইত মদনবাবু সিংহ গিরকর প্রদত্ত যারী করপেক বারো।
- (২) আচার্য উদয়চন্দ্র সিংহ গিরকর ইকরা রাধামাধব শ্রীমন্দিরর ইতিবৃত্ত।
- (৩) সিংলা আঞ্চলিক প্রাক্তন সভাপতি শ্রী সনাতান্ধা গিরকর খমকরা নথিপত্র।
- (৪) “প্রণব” পত্রিকা কলিকাতা, অগ্রাহায়ণ ১৪১৩ বাং ৮০তম বর্ষ অষ্টম সংখ্যা।





লেখকৰ পৰিচিতি

শ্রীশ্রী রাধামাধব জীউ মন্দিৰৰ উৎপত্তি বারো উন্নতিৰ
সিজিলৰ লেখক শ্রী ব্রজগোপাল সিংহৰ জন্মৰ ফামহান
করিমগঞ্জ জিলাৰ কৃষ্ণনগৰ (খিলুয়া) গাওঁ ১৯৫০
ইংৰেজীৰ অক্টোবৰ মাহত। জন্মদাতা পিতৃদেব 'কুলচন্দ্র
সিংহ ঔবাকার ১৯০২ ইং ঐতিহ্যবাহী ১৩ নং দরগাৰবন্দ এল, পি, স্কুলৰ প্রধান
শিক্ষক বারো সহকারী প্রতিষ্ঠাতা। জন্মধাত্রী মাতৃদেবী 'হেমলতা দেবী' (ছাবি)
গিথানকউ ১৯৩২ ইংৰেজীৰ ১১৫ নং খুমল বালিকা বিদ্যালয়ৰ (বর্তমান নিশিকান্ত
এল, পি) শিক্ষিকাগো হিসাবে সুনাম অর্জন করিয়া ১৯৯৩ ইং দ্যৌর খয়া
পাছিলীগো শিক্ষার বেদে লেখক গিরক ১৯৭৬ ইংৰেজীত। এম, এ বারো বিটি,
১৯৯৩ ইংৰেজীত ব্যাকরণশাস্ত্রী বারো ১৯৯৬ ইংৰেজীৰমা এল, এল, বি ডিগ্রী
সুনাম সহকারে অর্জন করেছিল। কর্মজীবন অকরেছিলতায়ু, পয়লা ১৯৭৫
ইংৰেজীৰমা কতমাহা পাথারকান্দি মডেল হাইয়ার সেকেণ্ডারীত বিষয় শিক্ষক
(ইতিহাস) শিক্ষকতা, ১৯৭৭ ইংৰেজীত ১৯৭৯ ইংৰেজীৰ সেপ্টেম্বর পেয়া
নেহেরু বিদ্যাপীঠ হাইস্কুলৰ প্রধান শিক্ষক বারো ১৯৭৯ ইংৰেজীত ১৯৯৮ ইং
ফেব্রুয়ারী পেয়া বিষয় শিক্ষক বারো উপাধ্যক্ষ পদে আসীন আছিল। এবাকা
বর্তমানে অধ্যক্ষ পদৰ দায়িত্বে কাম চালেয়া যারগা দুল্লভছড়া উচ্চতর মাধ্যমিক
বিদ্যালয়ে।

গিরকৰ ইকরা লেৰিকরমা কবিতা সংকলন "লেইরুক" নাটক "নল
দময়ন্তী", "দুল্লভছড়ার ইতিহাস" প্রবন্ধ, বারো "প্রবন্ধ সংকলন" কাব্য বারো
"শহীদ সুদেষণ" উল্লেখযোগ্য। বর্তমানে লেখক নেহার বুলিয়া উত্তর-পূর্বাঞ্চল
ইতিহাস সংস্থার সদস্যগো। লেৰিকরমা বিষুপ্রিয়া মণিপুৰী গোষ্ঠীর ইতিহাস
বারো আরোকৌ তেংকলহান প্রবন্ধ উল্লেখযোগ্য। বর্তমানে ১ম খণ্ড হিসাবে
রাধামাধব প্রভুর ইতিহাস ফংকরানি অইল।